

第一一二册

方輿彙編

職方典

瀘州部

雅州部

遵義府部

建昌五衛部

松潘衛部

大渡河部

東川軍民府部

鎮雄軍民府部

天全六番部

烏蒙軍民府部

疊溪守禦所部

壹一壹

壹一壹

壹一壹

壹一壹

壹一壹

壹一壹

壹一壹

壹一壹

壹一壹

古今圖書集成

中華書局影印

欽定古今圖書集成方輿彙編職方典

第六百三十五卷目錄

瀘州部彙考一

瀘州建置沿革考

瀘州疆域考 有圖 形勝附

瀘州星野考

瀘州山川考 水利附

瀘州城池考

瀘州關梁考

瀘州封建考

瀘州公署考

瀘州學校考

瀘州賦役考

瀘州風俗考

瀘州祠廟考 寺觀附

職方典第六百三十五卷

瀘州部彙考一

瀘州建置沿革考

本州

總志

禹貢梁州之域周爲巴子國春秋戰國爲巴郡秦仍舊漢置犍爲郡立江陽符縣東漢置江陽郡蜀漢因之晉割其地立綿水縣又漢安獠叛立漢安縣梁置瀘州治馬湖江口隋改瀘川郡縣爲瀘川縣唐復爲瀘州宋屬梓州路宣和初

瀘州疆域圖

置瀘川軍節度紹定初廢瀘川縣始割江安縣地立納谿縣淳祐初余玠徙州治於神臂山元改江安州至元中仍名瀘州僞夏明氏立瀘州路軍民府明復爲瀘州領縣三編戶六十七里

皇清因之編戶三里

納谿縣

秦漢爲郡江陽縣地漢因之隋唐皆爲瀘州地宋於納谿口置軍寨設巡檢後陞縣明因之

編戶三里隸瀘州

皇清因之編戶四里

合江縣

漢符陽縣屬犍爲郡晉屬江陽郡梁改戊後改今縣隋屬瀘州改符節縣移置白沙鎮宋移置

故城元置神臂山南明置安樂山麓屬瀘州編戶七里隸瀘州

皇清因之編戶三里

江安縣

漢江陽縣地晉置漢安縣隋改爲江安縣屬州

唐因之以思隸思遂施陽三縣省入明因之編戶二十里隸瀘州

皇清因之編戶四里

皇清因之編戶四里

皇清因之編戶四里

皇清因之編戶四里

瀘州疆域考

本州

東至合江縣一百二十里

西至南溪縣一百五十里

南至納溪縣四十里

北至隆昌縣一百二十里

自州至省城一千六百五十里至

京師一萬五百一十里

東西廣一百六十里南北袤二百六十里



總志州志合載

納溪縣

東至本州四十里

西至江安縣界二十里

南至永寧宣撫司界八十里

北至本州界十里

自縣治北至本州四十里至省城一千六百九

十里至

京師一萬五百五十里

合江縣

東至江津縣界二十里

西至本州界六十里

南至仁懷縣界三十里

北至本州界十五里

西南至貴州永寧衛界一百二十里

自縣治西至本州一百二十里至省城八百七

十里至

京師一萬六百六十里

江安縣

東至納溪縣七十里

西至南溪縣四十里

自縣治北至本州一百一十里至省城一千八

百里至

京師一萬六百六十里

形勝附

本州

華陽國志南接牂牁北通廣漢山川特美

李氏園記肘江負山

宋任俊記淙流東北貫其隅隋山西南蟠其址

魏了翁傳控制邊面

孫義叟記邊隅重地

江陽東聯夔子西控夔道南通滇黔北達廣漢

環汶水帶資流蜀南重鎮也

納溪縣

總志西接蜀江之流南接滇省之會內控邦畿

萬里外控遐荒五千

東枕五頂山南踞大溪西瞰錦江北臨撥旗

合江縣

舊志北接瀘江東洽凡水西北山障永寧東南

麓界仁懷

礪山帶江俯瞰奇勝山川鬱若文物蔚然

江安縣

汶江流其東清溪匯其左

瀘州衛

東連囉囉界于北抵九支播州西通長戎九姓

馬湖建昌南接東川芒部烏蒙島撒

瀘州星野考

總志

井鬼之次入參四度

瀘州山川考

總志州志合載

本州

寶山 在治西一里勝覽云初名堡子山下瞰

城郭萬瓦鱗集兩江合流即州城後之枕山也

郡國志一名瀘峯山諸葛武侯駐節於上又名

得功山高三十餘丈在昔多瘴惟夏月可登有

古榕樹盤結天矯如龍通志云瀘峯武侯廟每

歲蠻人貢馬相率拜於像前宋劉光祖詩云蜀

人所至祀遺像蠻獠猶知問舊碑明崇禎間督

學楚黃何閔中名大忠山祠宇鬼巖若臨瀘江

春仲登眺心目豁然或載酒饒舟而魚自躍入

山下名打魚村漁人恆集於此有舟橫蘆渚月

笛弄柳溪風之趣瀘之一景也總志云在治西

二里宋陳損之建堂其上易今名黃山谷榜曰

江山平遠

南壽山 在治東南宋守臣繪圖以進神宗悅

之賜此名即古曠中之博望寨諸葛屯兵處也

瑞鹿山 在治南五里五代周時道士尹希嚴

開山有白鹿往來山中因名後建瑞鹿亭即今

三元宮之後山

方山 在治西四十里又名回峯八面高聳下

瞰兩江巔有池周圍四里有魏武帝廟唐元宗

敕建有蘭祠昔漢光武徵時過江陽有一子望

氣者言江陽有貴兒氣王莽使求殺之光武即

位後爲子立祠因怒謫江陽人不許冠帶按明

一統志在州城西南四十里唐改回峯山

神臂山 在治東八十里宋淳熙中余玠遷州

城於上號鐵瀘城

歸子山 在治東三里臨江濱

多角山 在大江之南十里突出衆山俯視一切形家號南方天馬有呂仙亭蹟

四峯山 在治東二十里與多角相望上建俗宗大殿有高池

五峯山 在江北高阜處尖峰有五因名舊有真武宮殿宇壯麗有宿雲窩觀風亭諸勝蹟楊升菴有二聯云上帝高居朝絳節諸神環擁接丹丘又云神遊寥廓清虛外物在塵寰夢幻中大書龜蛇二字於金額今半毀

金紫山 在治東北十里高壩有金紫寺各人名士往來宴遊義取腰金衣紫也今燬

三華山 在江北上建川主廟

鉢孟山 在江北上形如孟上建鉢孟庵

馬鞍山 在江北上形如鞍州人遊眺之所或云鍾子期瀝人嘗樵於馬鞍山後之集賢村即此

仙頂山 在江東七十里羅東溝之上相傳有仙烹煉洞中石牀丹竈題石壁今磨滅

尖峰山 在江東六十里羅東溝上建川主殿

早齋輒應

臥龍山 在治北四十里形如伏龍因名

雲錦山 在治東北六十里有東嶽古廟土人於元旦備幡蓋旂幟登山賽會以祛災疫康熙

甲子野火焚燬

高奎山 在大江東北二十里山勢崔嵬與州

治對峙形家取奎宿遠映之義高僧舍光年九

十七常跌坐於上爲人演法

龍貫山 在江北大六十里界連富順山寺高聳茂林翁蔚明建文帝披劍遁避此山題壁有百

官文武歸何處惟有烏鴉早晚朝之句最後英宗時歸去自號曰老佛途中吟云流落江湖四十秋歸來不覺雪盈頭乾坤有恨家何在江漢

無情水自流寺外有石海螺往過吹之山谷皆震人以爲公輪子真蹟

五仙山 在治北六十里名水洞舊傳五仙人奕棋於此石盤猶存

滴乳巖 在城西一里真如寺水自崖石中流出味甚甜黃山谷經行大書滴乳泉三字碑目

云唐真如寺碑在本寺內山谷集云瀘州大雲寺西偏崖石上有甘泉滴瀝一州泉味皆不及

也余名曰滴乳泉山谷又跋常山公書如霍去

病用兵所謂顧方略何如耳不至學孫吳至其得意處乃如插花美女臨鏡笑春後人亦未易

超越紹聖五年五月晦避暑瀘州之大雲寺子茂攜此書來妄意評之如此按真如寺大雲寺

同在滴乳巖東畔今俱廢

黃龍堆 在大江之紫金堆有大石闊昔人沒

水見黃龍臥闕下因名考之水經注江中有大

門小門焉季秋之月則黃龍作滬也郡國志瀘

江水中有大闕季春三月黃龍堆沒闕即平

三牙腦 在治南二里古金雞灣渡口巖如牙

腦三灘一連而下形勢昭然瀘人近謂之喪牙

腦者其義何居

使君巖 在治南五里宋使君王獻可遊賞處

鄉校巖 在治北三里元人白良書鄉校二字

於石

龍女洞 在治北二十里高巖一穴幽邃人不

能到

思娥洞 在治南二里初入稍隘已乃宏廣

石髓凝結宛若堂宇

北巖 在城北舊有小庵宋楊汝明創爲大刹

及創五峯書院

瀘江 東即汶江源自岷山入合江界州以此

名即孝子伯奇溺處

支江 在治北源自富順鴛鴦溪經安流鎮至

州城與汶水合

洛江 在治北一名中江自雒昌山經瀘縣富

順縣流入本州

合江 在治東與蜀江之溪合流故名

悅江 源出舊戎縣經悅州因名

思晏江 在治西四里源出古思晏縣

宋江 在治東十里源出大壩北洞中

澄溪 在治南城外源出寶山下水常澄澈流

入汶江

龍溪 在治東北十里又名九曲溪蜿蜒九曲

可通小舟即今地名高壩之下

柳林溪 在治北即瀘江小河口也在昔瀘治

未開時夾岸皆柳因名

胥溪 在治東南界近納溪通永寧小江

瀚灘 在州東夏秋灘急水有迴瀾春冬則浪

靜波澄供人臨眺有鍋圍石有五穀倉水漲後以倉之聚沙有無占來歲豐歉迄今應驗無爽

瓦窰灘 在治東下流灘之最險者水涸無恙

龍馬潭 在江北二十里潭中有小山山有龍

王廟冲虛碧梧二觀宋祥符間敕建凡旱州牧

請禱必應遇雨潭漲則山隨漲下有龍窟二水

交流清濁不紊

三泉 按明一統志在寶山嵌巖間昔王大過

鑿山濬泉榜曰西山三泉

煉丹井 按明一統志在州治南唐劉靜應煉

丹汲此水又呼靜應泉

雙井 在治北二十里宋紹興中掘地得碑乃

唐乾元中蘇德克所鑿

納溪縣

舞鳳山 在治西南十五里勢如鳳舞

掇旗山 在治北諸葛亮樹旗於此以誓師

樓子山 在治東一里層峯如樓

馬鞍山 在治南三十里形如馬鞍

亂石山 在治北十里昔有道人修煉於此鑄

有磨霧朝霞四字於石

牛心山 在治西南三十里

朝陽洞 在治西二里通裕場後潔淨寬敞昔

有高僧玉沐講經於此

天仙洞 在治南二十里道路紆曲洞在半巖

廣數十丈高約二丈內塑佛像羅漢並千手觀

音俯視羣峯一碧萬頃誠勝境也

納谿水 源自阿未番流至縣西門會瀘江

錦江 源發於氏道縣之岷山經灌口合流於

嘉定會於縣之西門外

掇旗灘 在治東二里

雲溪 源自未寧經西門外會入大江

合江縣

安樂山 三峯奇秀隋劉真人登仙於此上有

延真觀及石櫃石碁金線井嘗有仙魚影隱

石壁中山有八洞通南巖有石曰許由瓢又有

楠木臺仙人石芙蓉城滴水巖白猿洞唐先汪

詩碧峯橫倚白雲端隋代真人化跡殘翠柏不

凋龍骨瘦石泉猶在鏡光寒又按明一統志亦

載此詩後四句云一身迴向天邊立萬壑皆從

脚底看莫道煙霄無路上但存仙骨到非難又

云上有石櫃及石碁局十二盤至剪刀峽

月臺山 在治南五里孤峯特立小溪環繞其

麓如新月狀

榕山 宋嘉熙中於此築城山上有天符葉如

荔枝葉少長紋如蟲蝕篆不知何木或以爲劉

真人仙跡東坡詩大仙化去知何日心印相傳

世共珍按明一統志俗名容子山又載東坡詩

下二句云故國子孫今尚在滿山秋葉豈能神

鳳儀山 在治西今遷儒學於此

文明山 在治南二十里舊名丁山明學使者

更今名

神臂崖 按明一統志宋淳祐中因元兵來侵

城於此以守

之溪 在治西源自播州仁懷縣流注許江曲

折如之字按明一統志是流注諸江

白龍潭 在治北十里

蒙泉 在治東有形無水旱禱輒應按明一統

志泉湧流或一壺或二壺而止得泉即雨

巖池 在方山之頂周圍一里有龍潛其中旱

歲禱雨多應

江安縣

漢陽山 在治南四里按明一統志孤高特起

立漢水之陽

照山 在治南四十里梵林禪宇金碧交輝旁

有二龍潭又有眠雲石覆淵橋石瑤崖磨鎌石

爲一邑之勝云按明一統志俗名鏡子山

連天山 在治南七十里回旋曲折高聳蓋天

小龜山 在治南百里嘗於此地築寨共城獲

一小龜金紋因呼爲小龜山

湖羊山 在治東六里相傳湖羊道人於此煉

丹飛昇

賞靜巖 在治東南宋呂伯祐讀書之所

線水 在治西源自連天山經古線水縣流入

會江按明一統志綿水自連天流經廢綿水縣

舊產鉄金恐即此但綿與線未知孰是

安樂溪 在治北源自合江治南

涪溪 在治南源出敘府長寧縣

涇灘 在治南三十里灘上有山挿天瀑水飛

下側有臥石

觀音灘 在治東三里

白龍池 在治東二十里舊有白龍居之因名

水利附
本州合江江安縣志俱不載

納溪縣

三江壩 在治西二十里

舊縣壩 在治北二十里

熊家壩 在治北十里今附州

野豬牙中壩 在治西二十里大江中不能種

植

雷家壩 在治北十里今附州

瀘州城池考

總志州志合載

本州

瀘州城池 宋政和中孫義叟爲帥始築土城

元末兵燹明洪武初歸附都指揮馬葉望奏開

衛治命指揮皇甫霖依舊址築石城周圍一千

二百四十餘丈高一丈五尺明弘治初兵備羅

安知州何綸拓基增建層樓隆慶中兵備田應

弼增築四門曰寅賓曰鎮遠曰拱極曰寶成萬

曆中仍東西南北四門另闢凝光會津二門共

六門城垣周九里七分

皇清知州陳五典修補城堞改東門爲保釐門

屬縣

納溪縣城池 宋皇祐間始築周三百一十丈

高一丈明永樂中重修門四曰朝天曰鯢化曰

江陽曰安靜外環以壕

皇清康熙五十一年知縣蔡建修葺

合江縣城池 明天順間知縣張瑾築土城周

圍三百三十丈高一丈二尺成化間知縣黃瓚

包石弘治中副使羅安增修門樓正德中知縣

朱銳重修

皇清康熙甲寅逆變燬壞知縣李雲龍復行補葺周

圍一里八分城門四

江安縣城池 宋嘉泰初知縣趙邁築土城周

圍六里明成化間蠻寇出沒縣丞李英仍舊址

築石城外環以壕

瀘州衛城池 石城明成化初都指揮沈運指

揮使韓雄修築周圍一百八十八丈高一丈三

尺門四曰安順鎮遠定邊拱辰

瀘州關梁考

總志州志合載

本州

龍透關 在治南五里武侯建明崇禎間又加

修築以防禦賊寇

玉蟾關 在治北六十里近隆昌大道昔時琳

宮梵宇綿互其上瀘之名山也路由成都遊人

名筆題題甚衆最下有泉中有大石類蟾波動

如生崖畔有劉海像苔痕被體與蟾相近天造

地設非假人工楊升菴大書玉蟾二字於坊尚

存有詩勒之石礪今磨滅後人惟和其韻

永安關 在江北明時建

半邊關 在江北明時建

特棧橋 在治東北三十里治平中有女子因

母病歸省驟雨水阻號泣不能渡俄有一木橫

互水上渡訖不見人以爲孝尋造橋

顏公橋 在治內

鎮遠橋 在舊瀘州衛治內

太平橋 在舊瀘州衛治內

銀錠橋 在治內昔人造橋得金因名

雲橋 在南門外澄溪口之橋也明崇禎初學

使何閔中建學南向題南門曰雲門南樓曰雲

樓南橋曰雲橋欲多士步步青雲也

洪濟橋 在江北正街商賈居民往來輻輳之

通路也

余公三世橋 在江北明正德嘉靖間知州余

珂余讓余蛟父子祖孫相繼牧瀘多德政瀘人

爲之造橋楊升菴題其額曰余公三世至今猶

記其碑文有賢哉余大夫世澤吾瀘之句

餘甘渡 在江北過渡處產餘甘樹其果先酸

後甜謂之餘甘即橄欖也遊人如織扁舟晚渡

觀若畫圖唐子西六言詩云百斤黃鱸胎玉萬

戶赤酒流霞餘甘渡頭客艇荔枝林下人家即

味此景

納溪縣

龍洞關 在治西二十里

倒馬關 在治南六十里路通滇黔交趾

石虎關 在治南八十里通雲南交趾路關前有石如虎因名

會川橋 在治南八十里通永寧宣撫使界

通津橋 在治南三十里上通永寧宣撫使

普濟橋 在治東十里

錦江渡 湛浪渡 俱在北城外

合江縣

通仙橋 按明一統志在治北隋劉善慶嘗息於此後白晝飛昇因名

江安縣

賓楚橋

廣濟橋 普濟橋

單公橋 邑爲滇黔通衢萬曆年間知縣單汝

光修今存

金雞渡 白沙渡 宋江渡

瀘州封建考

總志

明

江安莊裕王 名宣址康王第二子嘉靖四十

一年封萬曆二十五年薨第三子至近嗣

瀘州公署考 總志州志合載

本州

瀘州治 宋嘉熙年間建明洪武初知州陳謙

重修

皇清知州何起鵬余繼益孔斯和楊奇烈增葺庚申

年吳逆拆毀知州陳五典以韓家凸開署葺爲

衙舍

陰陽學 醫學 俱毀

僧正司 在治南

道正司 在治南俱毀

李市鎮巡檢司 在治北一百里裁

石棚鎮巡檢司 在治西十里燬

河泊所 在治東署裁燬

遞運所 在治東燬

瀘川水驛 在治東燬

黃巖水驛 在治東燬

立市馬驛 在治北燬

渠壩水驛 在治西燬

瀘川馬驛 在治西五里燬

來節驛 明萬曆初知州趙大佑卽玉蟾寺改

建今燬

義倉 在治內明知州趙大佑建今燬

廣膳倉 在治內

惠民藥局 在治北今燬

屬縣

納溪縣治 朱紹定中建明洪武年間縣丞顏

俱無定舍

皇清康熙二十三年知縣王帝臣捐貲於舊治新建

大堂二堂三堂儀門大門共五層兩廊六房後

周圍住房共六十六間

典史宅 康熙三十年典史侯文遠於城西南

建草廳三間內草堂六間其餘規制尙多缺略

峽口水驛 在治東

納溪水驛 在治內立水站

江門水馬驛 在治南

來鶴館 在治左明嘉靖中知縣朱邊建

廣積倉 在治東北

養濟院 昔毀知縣王帝臣捐修

桑棗園 漏澤園 今俱毀

合江縣治 明洪武初建至明末知縣趙我馮

重建

皇清康熙甲寅逆變毀壞知縣李雲龍捐整

史壩水驛 在治東毀

牛腦水驛 在治北毀

神仙水驛 在治西毀

末積倉 在治南毀

弘道館 在治西毀

白猿館 在治東毀

養濟院 前毀康熙二十二年知縣李雲龍新

建城西

桑棗園 漏澤園 俱廢

江安縣治 明洪武初建

皇清知縣張振重修

大洲水驛 在治東毀

黃壩水驛 在治南

江門水驛 在治東

盈積倉 在治東

龍門館 在治東七十里宋乾道年間建今毀

養濟院 今毀

桑棗園 漏澤園 今俱毀

瀘州學校考

州志

本州

瀘州儒學 在治南唐咸亨間建於治北宋元祐遷修明弘治年間知州許世德改建治南向東萬曆初知州趙大佑重修兵毀崇禎初學使何閔中知州李長年改建面南凡啓聖祠正殿兩廡名宦鄉賢泮池櫺星門戟門明倫堂尊經閣鶴山書院俱備甲申獻賊毀僅存荆棘遺址明末巡道吳登啓知州劉兆鼎遷於元妙觀舊基

皇清順治十八年副使紀羅知州何起鵬余繼益增修正殿明倫堂康熙二十三年知州陳五典以狹隘不足觀改復城南面東凡啓聖祠以及大成殿兩廡櫺星門戟門俱重加修葺

鶴山書院 按明一統志在州治南宋魏了翁建

五峯書館 按明一統志在州城北五峯山下宋慶曆間尚書楊汝明創立爲士友講會之所

學田 原額中下田地共一十二畝八分共徵租穀五石四斗四升租銀四錢奉文每年給散廩生貧士

屬縣

納溪縣儒學 在治西北元至正間建明洪武初重修後毀於兵

皇清康熙二十四年知縣王帝臣於舊來鶴亭捐建學宮三間三十八年知縣趙之鶴詳明改遷舊基中建

聖殿三間櫺星門三間五十年知縣蔡連建立兩廡及名宦鄉賢祠共一十二間

學田 中田一畝六分七釐徵京斗穀一石三斗三升六合折銀二錢六分七釐二毫每年解赴學院衙門完納支給貧士

合江縣儒學 在治北宋元祐間建明洪武九年重建

皇清康熙六年知縣賴曰鐸重建歷變傾圮康熙二十二年知縣李雲龍捐貲重建

學田 中下田共七畝五分應納京斗租穀五石六斗

江安縣儒學 宋大觀中建明洪武間重建

龍門書院 按明一統志在治東七十五里宋乾道中鄉士呂伯祐建

瀘州賦役考

州縣志合載

州總

實在民戶七百七十一戶

實熟民田地共二百四十一頃三十九畝七分四釐零

載糧三百七十二石六斗六升七合三勺零

應徵丁糧條編四百三十三兩七錢九分四釐七毫零

本州

實在民戶一百五十戶

實熟民田地一百二十一頃一十七畝零

載糧一百六十九石七斗六升五合零

應徵丁糧條銀一百三十五兩八錢一分零

康熙十二年吳逆背叛暴斂橫徵庚申辛酉盤踞瀘江兩岸對壘搶掠鄉民逃過半揭示招徠陸續還籍

又二十四年新收投誠歸農弁兵四戶瀘州實在民戶一百五十四戶

實熟民田一百二十一頃四十二畝二分

載糧一百七十石一斗四升八合零

應徵丁糧條銀一百三十六兩一錢一分零

稅課 今例每季徵銀一百八十兩每年共計徵稅銀七百二十兩

納溪縣

皇清定鼎頒發弓步規丈其依畝載糧詳定比照洪雅縣則例

上田一畝載糧三升中田一畝載糧二升下田

第一一二冊 之〇四葉

一畝載糧一升二合

上地一畝載糧五合中地一畝載糧三合下地一畝載糧一合五勺共載銀載丁則例依明季舊時全書

自康熙二年奉文起至五十一年止歷案士民

自首及新墾起科新舊共上中下田地一千四

百零八頃九十五畝六分四毫三絲七忽

人丁共一百四十九丁共徵丁糧條銀七百三

十三兩一錢七分八釐九毫五忽四微二塵一

纖按年起解藩庫完納

本縣春秋二季

文廟及山川社稷各壇祠於康熙十一年內奉文

請領祭祀銀一十六兩於康熙二十年二月內

奉文爲祭祀事案內照舊於條糧內動支

本縣知縣歲額俸銀二十七兩四錢九分薪銀

三十六兩心紅紙張銀二十兩油燭一十兩傘

扇銀二兩除心紅紙張外共銀七十五兩四錢

九分自順治十三年十二月內奉文爲錢糧入

不敷出等事案內屢奉裁減康熙二十一年四

月內開在外文官俸銀照舊支給實支銀四十

五兩額設衙役三十七名每名給工食銀七兩

二錢於順治十三年十二月內奉文每名減留

銀六兩於康熙八年九月內奉文每名攤支二

箇月零九日工食銀一兩一錢五分門子二名

皂隸十六名燈夫四名轎傘扇夫共七名每名

歲支工食銀一兩一錢五分

本縣經制典吏七名

本縣典史歲額俸銀一十九兩五錢二分薪銀

一十二兩於順治十三年十二月內奉文不分

柴薪總給俸銀三十一兩五錢二分

本縣典史額設衙役六名門子二名皂隸四名

每歲支工食銀一兩一錢五分

本縣儒學歲額俸銀一十九兩五錢二分薪銀

一十二兩於順治十三年十二月內不分柴薪

總算給銀三十一兩五錢二分

本縣儒學額設衙役四名門子二名膳夫二名

每名歲支工食銀一兩五錢

本縣儒學經制吏撥一名

以上春秋二祭官俸支銀一百二十四兩零四

分具領赴藩庫於本省條糧內請領支給衙役

工食銀六十五兩五錢五分自康熙二十二年

照舊支給

本縣廩生餼糧舊額廩生二十名每名每歲支

餼糧銀一十兩八錢自康熙二十三年川撫姚

請開復三分之一每名歲支銀三兩六錢時有

出貢丁憂事故多寡不一每年於條糧內支給

本縣額設六桅站船三隻水手六名桅夫一十

八名於康熙四十八年奉裁站船一隻存留站

船二隻水手四名桅夫十六名除小建不支外

照江南則例每名日支工食銀二分每季共該

銀三十六兩零俱按季赴按察司衙門請領支

給

合江縣

自康熙二年奉文額糧並招徠新舊上中下田

地共一百二頃一十七畝一分九毫一絲七忽

六微七塵共載糧一百六十二石五斗七升九

合四抄二撮五圭二粒人丁共九十三丁一斗

二升三合七勺七撮丁糧條共徵銀二百四十

四兩二錢九分九釐一毫八絲五忽七微六塵

江安縣

載糧四十七石四斗四升二合六抄六撮七圭

四粒共徵丁糧條銀五十四兩九錢七分五釐

六毫三絲三忽五微一座

瀘州風俗考

總志州志合載

本州

圖開家詩戶書勤耕樂賦

舊志地衝民刁

士競於文俗少肅訟

風氣秀散賢哲間出

誇多鬪靡極欲窮奢兼之少長失倫訟風漸熾

尚澆薄廢雅道相沿成習矣

納溪縣

人民質朴士敦禮讓

合江縣

農務耕耘士饒文識人知禮讓俗本淳龐

江安縣

力耕務織俗信巫鬼

瀘州衛

習武少文今異於昔

瀘州祠廟考

總志州志合載

本州

風雲雷雨山川壇 在治南

社稷壇 在治西

郡厲壇 在治北

城隍廟 在治西

東嶽廟 在治西昔毀今重修額曰鼎湖金闕

關帝廟 在治南亂後改遷土主祠舊址額曰

風高千古

武侯祠 一在治西即三忠祠在寶山之巔昔

廢今重建一在寶山之蘆峯名諸葛武侯廟

穆清祠 在治南二里祀周尹吉甫

文昌祠 在治南

鶴山祠 在州學內祀魏了翁今毀

水神祠 在治北大渡口岸上昔廢今重建

二郎廟 在治東祀秦李冰之子

土主廟 在治中即昔之蒲家莊也舊謂張東

之桓彥範崔元暉袁恕己敬暉等五王有大功

於唐享廟祀號五龍土主其像凡五甲申亂毀

白虎廟 在州治右後遷出北門昔廢今建

漢古廟 在治北十里雙林鋪蜀漢時建上有

東嶽古廟山最靈禍福弗爽傳聞夜有荆杖哀

號聲瀝人伏臘歲時禮祀不輟

魏武帝廟 按明一統志在方山宋時討乞弟

蠻陰雨踰月神宗封香禱之輒應

岷山李公生祠 在治東

納溪縣

風雲雷雨山川壇 在治南

社稷壇 在治西

邑厲壇 在治北

城隍廟 在城內

東嶽廟 在治西

關聖廟 在小江西

土主廟 在城內

岱宗廟 在治南

合江縣

風雲雷雨山川壇 在治南

社稷壇 在治西

邑厲壇 在治北

城隍廟 在治北

東嶽廟 去縣治百步

關聖廟 在治西

大廟 在治東南

呂光廟 在安樂溪側符秦將呂光討李公堂之

亂立廟祀之

丁公廟 在安樂溪之左有蕭梁時碑刻

曹侯廟 在治西門外

晉王廟 在治南五里月臺上晉王唐李克用

也鄉人歲旱禱雨於此輒應

水神廟 在縣治江邊

文昌祠 在治西

江安縣 風雲雷雨山川壇 在治南

社稷壇 在治西

邑厲壇 在治北

五龍廟 在江安之濱參議張松齡重修

寺觀附

本州

開福寺 在城內即白塔寺宋馮概建又造七

級浮屠以報母恩

北巖寺 在治北創自宋時稽之勝覽云北巖

舊有小庵郡守楊汝明創為大利又創五峰書

院為諸生會課之所太史楊慎一聯曰半空樓

閣千山繞兩岸人家一水分

大佛寺 在治東知州余繼益重修內有黃魯

直碑記

五峯寺 在治北知州孔斯和重修

真如寺 在治西唐建有黃魯直大書

聖水寺 在治西方山寺旁有泉自巖石中流

出清芬甘美郡人朱茹題曰第一泉

毘盧寺 在治江東瀚灘之上昔廢今建

三會寺 在治南藍田壩中昔毀今建

雲峯寺 在治西與護國普照聖水俱在方山

四面雲峯有納僧聖可卓錫於此募建經樓廻

廊以居徒衆

歸子寺 在治北二里即歸子山尹伯奇投江

不沉歸此後人建寺與夢仙亭上下

寶蓮庵 在治北明郡人侍御王藩臣妻建時

西域僧獻以金蓮又肖千葉寶蓮菩薩像於其

文昌宮 在治南

三元宮 在治南

元妙觀 在治中原三清觀舊有紫房洞真人

唐應靜煉丹於此丹竈石牀尚存有丹井昔好

事者試之以鴨浮出江中亦唐真人酌挹之所

碧梧觀 在治東二十里宋建

冲虛觀 宋建

納溪縣

文殊寺 在治南六里

銅鼓寺 在治西十里

玉琳寺 在治西產青白二石似玉

護國寺 在治東

合江縣

廣慈寺 在治內

朝元寺 在治北

江安縣

東林寺 在治東宋紹熙五年僧覺福建

西林寺 在治西宋紹興中建明洪武中重修

慈光寺 在治西宋治平間建

靈感寺 在治西宋治平間建

聖壽寺 按明一統志在治南八十里宋紹熙

間建

觀音寺 距城三里又云觀音閣知縣張振建

玉皇觀 在治北

欽定古今圖書集成方輿彙編職方典

第六百三十六卷目錄

瀘州部彙考二

瀘州驛選考

瀘州兵制考

瀘州物產考

瀘州古蹟考

瀘州峒蠻考

瀘州部藝文一

寶山賦

武侯祠碑記

大觀堂記

瀘州部藝文二

將之瀘郡旅次遂州遇裴晤員外謫居於此話

舊淒涼因寄二首

荔枝樹

瀘水

瀘州部紀事

瀘州部雜錄

職方典第六百三十六卷

瀘州部彙考二

瀘州驛選考

本州

瀘州水驛 黃巖水驛

立市馬驛 俱在治北

渠壩水驛 在治西

瀘川馬驛 在治南

來節驛 萬曆初知州趙大佑建以上俱燬

站船三隻水手六名橈夫十八名歲支銀四百九十六兩八錢

東門 渡大江南行由橋村學堂大橋諸鋪交

納溪界

大江正東 由永安鋪黃葛鋪文星橋石龜樓

分水嶺老鷹崖龍蕩子至姚壩交仁懷縣界

西門 由龍吟鋪高洞鋪方山鋪龍橋鋪馬嶺

鋪南井驛交江安界

會津門 渡小市由土漕口雙林鋪高山鋪中

火鋪林坎鋪來節驛嘉明鎮交隆昌縣界

北門 渡資江小市由鳳橋鋪高山鋪胡市鋪

高店鋪朱明鋪至鎮交富順界

大江東北 由大橋鋪白茅鋪黃巖驛神山驛

虎頭鋪黑石鋪交合江縣界

小市東北 由金井鋪特凌鋪石盤鋪新店鋪

石馬鋪雲錦鋪安賢鋪立市站交永川縣界

納溪縣

峽口水驛

在治東

渠壩驛 義

納溪水驛 立水站站船三隻水手六名橈夫

十八名歲支銀四百九十六兩八錢

康熙十九年因

大師進勦於江門設驛馬二十四匹驛丞一員二十

一年雲貴蕩平奉裁

縣門驛 舊設六桅站船三隻康熙四十八年

奉裁一隻存雷六桅船二隻應遞過往差員

江門驛 站船一隻於康熙元年因納邑地少

民稀上議歸於叙永軍糧廳領設久成定例

合江縣

史壩水驛 在治東

牛腦水驛 在治北

神仙水驛 在治西俱燬

站船三隻水手六名橈夫十八名歲支銀四百九十六兩八錢

江安縣

江門水驛 在治東

黃壩水驛 在治南

大洲水驛 站船三隻水手六名橈夫十八名

歲支銀四百九十六兩八錢

瀘州兵制考

州志

州總

瀘州衛守備一員

駐防瀘江把總一員兵五十名係末軍協鎮分撥每歲更換自康熙二十三年甲子起
駐防納溪縣把總一員
駐防江安縣把總一員俱隸末軍協

瀘州物產考

州志

州總

香薷 治北金井鋪石岡上生者為佳飲可祛暑

暑

荔枝 在治南藍田壩久伐無遺杜工部詩憶

過瀘戎摘荔枝清風隱映石逶迤京中舊見君

顏色紅顆酸甜只自知即詠此也

茶 茶經瀘茶味佳飲之療風

楠木

石青

鯉魚

石綠

竹桃 江安縣出

瀘州古蹟考

總志州志合載

本州

樂共城 在治內小龜山宋置城領江門寨鎮

溪梅嶺大洲三堡後并入江安寨入納溪林廣

討瀘彝乞弟破樂共城即此

武都城 在治北三十里宋大觀初建滋州置

承流仁懷二縣宣和中廢州為武都城以仁懷

縣為堡承流縣并入仁懷

九支城 在治西五十里宋大觀初建純州置

九支安溪二縣及美利城宣和初廢巴州及九

支縣為城以安溪美利城為寨改滋州為堡

鐵瀘城 在治東百里宋制置使余玠遷瀘州

於神臂山即此

廢涇南縣 在涇水之南唐分涇南縣後省入

瀘

瀘川廢縣 在治內本漢江安縣梁置瀘州於

此隋改為瀘川縣唐宋仍舊元省遺址尚存

綏遠寨 初屬武都城宋宣和初始屬州

樊道寨 在治南二十里東漢征南蠻屯兵於

此

博望寨 在治東宋咸平七年置神宗賜名南

壽以寨在南壽山故也

海觀 在治東隅大江之游秋夏遇水漲兩江

環合瀾漫浩渺真如海觀

茶蘗洞 在治南二里石刻三字今磨滅

飛雲洞 在治西唐庚讀書處

古榕樹 在寶山盤結天矯如龍

石海螺 在龍貫山往過吹之山谷皆震人以

為公輸子真蹟

木盤樹 在治南三十里朱家莊有木盤樹葉

如桑柘甚茂舊傳朱氏鄉試一人豫結一盤

會試一人豫結一盤盤下結一盤連之朱子和

朱茹朱荅朱藻等甲乙科第皆此樹之驗

拙溪 在治東北七里黃山谷過而墜墮不日

墜拙而日溪拙手書拙溪二大字鑿石今尚存

馬謖溪 在治西寶山下武侯征南蠻謖戲地

輿隨師屯溪上因名

龍馬潭 在治北二十里唐州人王昌遇落魄

仙授以道術比歸售馬送昌縣息至家而馬化

為龍入潭矣

鎮江塔 在治東江上郡人王藩臣於明萬曆

間傾官豪造浮圖以培風土號文筆點水

試劍石 在治東渡頭昔傳仙人於此試劍石

為兩分

金鷄灣 在治南三牙腦渡口舊傳仙欲成梁

於大江聽鷄鳴乃止江北水中橋礮尚存水落

春晴觀之猶見

天生橋 在治北六十里江邊山石生成不假

斧鑿人工因名之

閣書巷 在治南

螺蛳井 在治南

撫琴臺 在治北孝子尹伯奇投江後登臺鼓

履霜之操以悟親心父吉甫援琴作子安操臺

乃山石生成周圍十丈至今靜夜猶聆琴音

馬塔 按明一統志在舊郡學趙雄即講堂中

庭立二馬塔鑄進士姓名於上

鎮遠樓 在治內四山環合氣像甚偉即明之

大觀臺也

南定樓 在治內宋郡守晁公式建取出師表

中爲名昔陸務觀詩行遍梁州到益州今年又

作渡瀘遊江山重復爭供眼風雨從橫亂入樓

即明之南樓今燬

江山平遠樓 在治西寶山黃魯直豪遊題有

江山平遠難爲書景物高爽易得秋之句

雲樓 在治南學使何閏中建二層上肖魁神

像鶴欲窮千里目更上一層樓一聯於樓一刻

仰鑽瞻忽四句於四柱今俱燬

四山堂 在治寶山上宋李屋有詩今燬

籌邊堂 在治內宋安撫使黎伯登建

賓繡堂 在治內宋趙雄出鎮於此因名

雅歌堂 在治內宋安撫使黎伯登建

整暇堂 在治南宋建

四香亭 在治南茶藤香春芙蓉香夏木犀香

秋梅花香冬亭之勝槩

瀘江亭 在治東城外昔傳爲江陽兒祠後爲

餞賓所即明之江陽閣

蘆亭 在治北郡人王綸以母性不食薑作亭

植薑以示不忘

觀瀾亭 在治北隅弘治中副使羅安建

寄興亭 在治內道署中羅安建

夢仙亭 在治北三里江岸上明嘉靖間合州

民蔡百貫尚白蓮聚衆爲亂州牧以入覲委王

判官者署事王與小吏謀誣人暗結白蓮請

勦之計欲乘機盜庫也爰檄屯鹽倉事崔監軍

上南將解纜夢一黃衣道士曰瀘有難微公救

不可公詢之道士曰王州判左計也民實冤之

公問其處道士以往瀘之江西沱呂姓爲告公

尋寤詰之及至瀘人壺漿以迎不罷市焉尋執

判官於兩臺治以法公問民曰有江西沱否曰

有有呂道人否曰無也公遍遊沱下見崖石鐫

有黃衣人如夢中像乃洞賓也始信告語應驗

弗爽捐金建江亭塑坐像一睡像一昔燬今重

建

百花春館 在治北宋名宦魏了翁建爲士大

夫遊賞之所

靜善樓 在瀘州衛治內

納溪縣

保子寨 在治西世傳武侯南征屯兵於此

舊縣壩 在治北十里元大德中移江北以避

蠻害至大初仍復今縣基尚存昔人掘得銅轅

象爵一太和羹盃一爵三貯於學宮

江陽樓 在治西

合江縣

試劍石 在縣治北有大石兩分如剖相傳仙

人試劍於此云前州治內亦有試劍石

先氏巖 在治北唐神童先汪讀書處元涼國

公趙世延有記學士虞集跋皆磨滅難識

流杯池 在治南八里水從巖引注石渠上書

天下奇觀四字晉王珍遊賞於此

流水亭 在治東二里鑿石渠構亭引流有碑

文字磨滅不可考

史隱閣 宋治平四年鄧太師綽令瀘川作吏

隱閣於瀘之合江邑居之南轉清溪而上六十

里曰安樂山世傳隋開皇時劉珍登眞之地杜

光庭爲之傳李淑爲之記開皇所置三觀其一

尚在乃命道士作劉眞人祠堂因名其閣曰史

隱閣

釣鯊亭 按明一統志在治西十五里後唐王

琛讀書釣魚之所

涼亭 在治北

唐高宗樂安山取丹經詔碑 在治西樂安山

字磨滅難考

劉眞人傳石 杜光庭撰磨滅難識

安樂山瞻清三觀記石 皇祐乙丑李淑撰石

文剝落難考

劉眞人藏經碑 在治西安樂山磨滅難考

江安縣

綿水廢縣 在縣水溪口汶江水中洲上梁置

縣隋唐因之宋乾德省入江安縣

梅嶺堡 在治西南三十里武侯屯兵處

賞靜巖 在治東南宋呂伯祐讀書之所

安遠寨 按明一統志在縣南七十里世傳諸

葛亮征蠻於此屯兵宋元豐中置爲寨

史隱樓 在治內縣令鄧紹建

八閣樓 在治北

偶住亭 按明一統志在治東北宋黃庭堅自

樊道還邑宰石諒同遊此亭書翠綠後改爲渡

瀘亭

瀘州平蠻記碑 宋熙寧中范百祿撰文在江

安之偶住亭尚存

墳墓附

本州

周馬氏夫人墓 在治東羅東溝尖峯山太師

尹吉甫尹伯奇生母也後建川主廟徙夫人於

土地凹相府基址猶存世傳墓尖峯之陽歲時

吏民祭奠土人疲於奔走供億遂遷之以建廟

漢董允墓 在治東董允壩瀘人

董丞墓 在治東

明陳謙墓 在治北明洪武初改復直隸以身

殉民弘治中知州何綸修

納溪縣

老母墓 在治北宋時節婦

合江縣

唐神童先汪墓 在治西五里先市有宋進士

劉望之碑磨滅不可識

宋張祕書墓 在治南金釵井之側

江安縣未載

瀘州峒蠻考

宋 仁宗慶曆 年詔於瀘州地復建姚州以蠻王

子得蓋爲刺史

按宋史仁宗本紀不載 按蠻傳瀘州西南

微外古羌彝之地漢以來王侯國以百數獨夜

郎演邛都楊昆明徙都冉駹白馬氏爲最大

夜郎在漢屬牂牁郡今涪州之西漆播珍等州

封城是也滇在漢爲益州郡今姚州善闡之地

是也邛都楊州會同川與吐番接今邛部州蠻

所居也楊今楊州昆明在黔瀘微外今西南番

部所居也徙今雅州嚴道地祚都在黎州南今

兩林及野川蠻所居地是也冉駹今茂州蠻汶

山彝地是也白馬氏在漢爲武都郡今階州汶

州蓋羌類也此皆巴蜀西南微外蠻彝也自黔

恭以西至涪瀘嘉叙自階又折而東南至威茂

黎雅被邊十餘郡綿互數千里剛彝惡獠始千

萬計自治平之末訖於靖康大抵皆通互市奉

職貢雖時有剽掠如鼠竊狗偷不能爲深患參

考古今辨其封域以見琛贐之自至梯航之所

及者爾若夫邊荆楚交廣則係之溪峒云清水

彝者羈縻十州五國蠻也雜種獠散居溪谷

中慶曆初瀘州言管下溪峒十州有唐及本朝

所賜州額今烏蠻王子得蓋居其地部族最盛

旁有舊姚州廢已久得蓋願得州名以長彝落

詔復建姚州以得蓋爲刺史鑄印賜之

慶曆四年彝人寇三江峽清井監官兵擊走之

按宋史本紀云云 按蠻傳有彝在瀘州部

亦西南邊地所部十州曰羆曰定曰高曰奉曰

清曰宋曰納曰晏曰投附曰長寧皆彝人居之

依山險善寇掠清井監者在彝地中朝廷置吏

領之以拊御彝衆或不得人往往生事慶曆四

年四月彝人攻三江峽詔秦鳳路總管司發兵

千人選官馳往捕擊既而瀘州教練使南招

安將史愛誘降彝賊斗殺等詔並補三班差使

殿侍清井監一路招安巡檢未幾彝衆復寇三

江峽指使王用等擊走之

皇祐元年夏四月梓州轉運使言清井監彝人

平

按宋史本紀云云 按蠻傳皇祐元年二月

彝衆萬餘人復圍清井監水陸不通者其久初

監戶晏州彝人錢而歐傷斗落妹其衆憤怒欲

報之知瀘州張昭信勸諭既已聽服而清井監

復執要然村彝人細令等殺長寧州落占等十

人故激成其亂詔知益州田况發旁郡士卒命

梓夔路兵馬鈐轄宋定往援之於是兩路合官

軍泊白芳子弟幾二萬人與戰兵死者甚衆餓

死又千餘人數月然後平賜况及轉運使勅書

褒獎宋定而下十三人進秩有差後况還朝乃

奏彝衆連年爲亂緣主者非其人請令轉運鈐

轄司舉官爲知監監押代還日特遷一資從之

嘉祐二年春二月梓夔路三里村彝人寇清井

監 按宋史本紀云云 按蠻傳嘉祐二年三

村彝斗還等百五十人復謀內寇有黃土坎彝
斗蓋長寧州人也先以其事來告清井監引兵
趨之捕斬七千餘級鈐轄司上聞詔賜斗蓋錢
三十萬緡袍銀帶明年又補斗蓋長寧州刺史
邛州部舊領姚州廢已久有烏蠻王子得蓋者
來居其地部族最盛數遣人詣官自言願得州
名以長彝落事聞因賜號姚州鑄印予之得蓋
又乞勅書一通以遺子孫詔從其請

神宗熙寧七年熊平溫彝

按宋史神宗本紀云云 按蠻彝傳得蓋死其
子竊號羅氏鬼主鬼主死子僕射襲其號浸弱
不能令諸族烏蠻有二酋領曰晏子曰斧望箇
怒常入漢地驚馬晏子所居直長寧寧遠以南
斧望箇怒所居直納溪江安以東皆僕夜諸部
也晏子距漢地絕近猶有清井之阻斧望箇怒
近納溪以舟下瀘不過半日二酋浸強大擅劫
晏州山外六姓及納溪二十四姓生彝彝弱小
皆相與供其寶熙寧七年六姓彝自清井謀入
寇命熊本經制之景思立戰歿本將蜀兵募土
丁及彝界黔州弩手以毒矢射賊賊驚潰於是
山前後長寧等十郡八姓及武都彝皆內附提
點刑獄范百祿作文以誓之曰蠢茲彝醜清溪
之澍爲虺爲豺憑負固圍殺人於貨頭顧草莽
莫慘燔炙莫悲奴虜狂戾熟思胡可悉數疆吏
苟玩噤不敢語奮若之威曾是疆禦踴躍聚
三壕羅募債我將佐戕我士伍西南繹駭帝赫
斯怒帝怒伊何神聖文武民所安樂惟仁慈撫

民所疾苦惟曰斲去乃用其良應變是許淵熊
裔孫爰馭虎威其巢酋判其黨與既奪之心
復斷右股攝提孟既徂征有欽背孤擊虛采入
厥阻兵從天下鐵首具舉紛紜騰香莫敢娶梧
火其巢穴及其困貯暨其質畜墟其林霖被傷
係縲以百千數涇灘望風悉力比附丁爲帝民
地曰王土投其器械籍入官府百死一贖莫保
銅鼓歆盟神天視此狗鼠敢忘誅絕以干罪罟
乃稱上恩俾復故處殘醜厥角泣血懇語天子
之德雨暘覆護三五噍類請比涇作大邦有令
其戒警汝天既汝貨汝勿予侮惟十九姓往安
汝堵吏治汝責汝力汝布吏時汝耕汝稻汝黍
懲創於今無怙往古小有堡障大有城戍汝或
不聽汝擊汝捕尚有賊將突騎強旅傳此黔軍
毒矢勁弩天不汝容暴汝居所不汝遺育悔於
何取立石於武寧岩熊本言二酋桀黠不羈廢
之則諸蠻未易服遂遣人說誘招納於是晏子
斧望箇怒及僕夜皆願入貢受王命晏子未及
命而死乃以箇怒知歸來州僕夜知姚州以箇
恕之子乞弟晏子之子沙取祿路並爲把截將
西南彝部巡檢

按宋史熊本傳熙寧六年瀘川羅晏彝叛詔察
訪梓夔得以便宜治彝事本嘗通判戎州習其
俗謂彼能擾邊者介十二村寨爲鄉導爾以計
致百餘人梟之瀘川其徒股栗願死自贖本
請於朝寵以刺史巡檢之秩明示勸賞皆踴躍
順命獨柯陰一酋不至本合晏州十九姓之衆

發黔南義軍強弩道大將王宣買昌言率以進
討賊悉力旅拒敗之黃葛下追奔深入柯陰窘
乞降盡籍丁口土田及其重寶善馬路之公上
受貢職於是烏蠻羅氏鬼主諸彝皆從風而靡
願世爲漢官奴還刑部員外郎集賢殿修撰同
判司農寺神宗勞之曰卿不傷財不害民一旦
去百年之患至於檄奏詳明近時鮮儔焉賜三
品服西南用兵蠻中始此

熙寧八年箇怒匿僚酋阿訛以事屬乞弟侵諸
部

按宋史本紀不載 按蠻彝傳熙寧八年俞州
僚寇南州僚酋阿訛率其黨奔箇怒熊本重賞
檄斬訛訛桀黠習知邊境虛實箇怒匿不殺詭
降於納溪訛得不死其德箇怒爲伺邊隙箇
怒老厭兵以事屬乞弟遂與訛侵諸部
熙寧十年羅荷彝犯納溪岩詔副總管韓存寶
討降之
按宋史本紀不載 按蠻彝傳熙寧十年羅荷
彝犯納溪岩初岩民與羅荷彝競魚荷誤毆殺
之吏爲按驗彝已忿謂漢殺吾人官不償我骨
價反暴露之遂叛提點刑獄穆珣言納溪去瀘
一舍羅荷去納溪數里今訞事起端若不加誅
則烏蠻觀望爲害不細乃詔涇原副總管韓存
寶擊之存寶召乞弟等特角討蕩五十六村十
三國蠻乞降願納土承賦租乃詔罷兵
元豐元年命韓存寶經制瀘彝後遂破之又乞
弟率晏州彝等寇江安城知瀘州喬敘委曲誘

之始降

按宋史本紀元年秋七月癸酉朔命西上閣門使忠州團練使韓存寶經制瀘州納溪彝冬十月辛亥韓存寶破瀘彝後城十有三圍按蠻彝傳元豐元年乞弟率晏州彝合步騎六千至江安城下責平羅苟之賞城中守兵幾數百震恐不能投甲蠻數日乃引去知瀘州喬敘要欲與盟遣梓潼都監王宣以兵二千守江安仍奏以乞弟襲歸來州刺史大運遣小校楊舜之召乞弟拜教乞弟不出遣就賜之亦不見而令小蠻從舜之取教以去喬敘因沙取祿路以賄招乞弟乃肯來

元豐三年夏四月乞弟侵邊兵官王宣戰歿五月復命韓存寶經制瀘彝乞弟請降

按宋史本紀元豐三年夏四月乙巳以瀘州彝乞弟侵擾詔邊將討之戊申乞弟寇戎州兵官王宣等戰歿五月甲申復命韓存寶經制瀘彝按蠻彝傳元豐三年盟於納溪蠻以爲畏已益悖慢盟五日遂以衆圍羅簡半族羅簡半熊本所團結熟彝也王宣往救之蠻解圍合友拒官軍宜與一軍皆沒事遂張驛召存寶授方略統三將兵萬八千趨東川存寶怯懦不敢進乞弟送款給降存寶信之遂休兵於綿梓遂資間元豐四年命林廣代韓存寶進討瀘彝蠻大破之

按宋史本紀四年春正月乙未命步軍都虞候林廣代韓存寶經制瀘彝十二月辛未林廣破

乞弟子納江按蠻彝傳元豐四年詔以環慶副總管林廣代存寶按實逗撓誅之熟彝楊光震殺阿訖詔林廣與光震同力討賊乞弟恐復送款帝以其前後反覆無真降意督廣進師廣遂破樂攻城至斗蒲村斬首二千五百級次落娶乞弟乃納降廣盛陳兵以受之對語良久乞弟疑有變引衆遁廣帥兵深入會大雨雪決旬始次老人山山形剎立度黑崖至雅飛不到山按林廣傳韓存寶討瀘彝乞弟逗撓不進詔廣代之廣至閱兵合將蒐人材勇怯三分之日夕肄習椎牛享犒士心皆奮遣使開曉乞弟仍索所囚卒乞弟歸卒七人奏書降而身不至乃決策深入陳師瀘水廣挾所得渠帥及質子在軍而令以次會護餉以是入箬道而無鈔略之患師趨樂共蠻不能支皆遁去廣分兵繞帽溪掩江門後破其險水陸皆通益前進每戰必捷次落婆遠乞弟遣叔父阿汝約降求退舍又約不解甲廣策其有異除阜爲壇距中軍五十步且設伏明日乞弟擁千人出降匿弩士氈裘猶豫不前謝恩廣發伏擊之蠻奔潰斬阿汝及大會二十八人乞弟以所乘馬授弟阿字大將王光祖追斬之軍中爭其尸乞弟得隨江橋下脫走得其種落三萬進大歸徠州窮探巢穴發故會斧望箇怨塚天寒士多墮指而乞弟竟不可得監軍先受密詔聽引兵還遂班師拜衛州防禦使馬軍都虞候

按宋史本紀云云按蠻彝傳元豐五年正月次歸來州天大寒然桂爲薪軍士皆凍墮指留四日求乞弟不可得內侍麥文顯問廣軍事廣曰賊未授首當待罪文顯乃出所受密詔曰大兵深入討賊期在臬獲元惡知已破其巢穴雖未得乞弟亦聽班師軍中皆呼萬歲曰天子居九重明見萬里外乃以衆還自納溪之役師行凡四十日築城樂其城江門峇梅嶺席帽溪堡西達清井東道納溪皆控制要害捷書聞敕梓州路以歸來州地賜羅氏鬼主乞弟既失土窮甚往來諸蠻間無所依帝猶欲招來之命知瀘州王光祖開諭許以自新會其死於是羅始黨斗然斗更等諸酋請依十九姓團結新取生界八姓兩江彝族請依七姓團結皆爲義軍從之自是瀘彝震懼不復爲邊患沙取祿路死子鼈弊承襲

徽宗政和五年春正月庚辰瀘南晏州彝反詔梓州路轉運使趙適等督兵討平之

按宋史本紀云云按趙適傳趙適開封人太觀初以發運司勾當公事爲梓州路轉運司判官瀘戎諸彝納土命適相置以建立純州縣若勞加直祕閣升轉運副使俄授龍圖閣直學士爲正使政和五年晏州彝酋卜漏反陷梅嶺堡知若高公老通公老之妻宗女也常出金玉酒器飲卜漏等漏心慳之會瀘帥賈宗諒以斂竹木擾彝部且誣致其會斗簡旁等罪彝人咸怨漏遂相結因上元張燈襲破若虜公老妻及其